

22171

III

kal.komp.

Maa. St. Dr.



15 36



PAN





22171

III

P


Michael

Solomonarum rex

Maassukowii Valent. Joan: Cynthia Korybuthea  
grande divinae clementiae simulacrum, in celeberrima  
inauguratione praenire. Psuipis Michaelis  
Korybuti, Regis Poloniae.

PANEG. et VITAE  
Polon. Fol.  
N. 1630.







C Y N T H I A

KORYBVTHEA

grande Diuinæ Clementiæ  
Simulacrum,

*In Celeberrima Inauguratione*

SERENISSIMI PRINCIPIS

M I C H A E L I S

K O R Y B V T H I

REGIS POLONIÆ

MAGNI DVCIS LITHVANIÆ,

RVSSIÆ, PRVSSIÆ, MASOVIAE, SAMOGITIAE,  
LIVONIAE, SMOLENSCI, CZERNIECHOVIAE, &c &c.

*Panegyrica colore adumbrata.*

EIDEMQVE SERENISSIMÆ MAIESTATI

A

M. VALENTINO IOANNE MAZVRKOWIC

Collegij Maioris in Vniuersitate Cracouiensi Professore, Canonico  
ad Ecclesiam S. Annæ,

*E voto Publicæ letitiæ*

Consecrata.

---

C R A C O V I Æ

Anno Restitutæ Mundo Lucis 1669.



IN STEMMATA SERENISSIMI REGIS  
REGNIQUE POLONIE



Cor Aquilæ pugnacis abest; sed Cynthia grato

Lumine se promit, fert niqumque iubar.

Hoc Speculum REX MAGNE Tui est: post tristia bella

Iam pacis sudum, sæcla beata dabis.



# CYNTHIA KORYBVTHEA



Ssurge in Spes meliores, exorientem fortunam  
tuam, lætis tuorum oculis animisque contemplare,  
tandem aliquando depulsâ tristis orbitatis caligine  
felicior Polonia; nec solius tantum tristitiæ argu-  
mentum, quod hucusq̃ copiosum suggerebas. Non  
est quod dubites, te præ cæteris à Supremo Numine  
tenerius amari, intensius conseruari, in quam tam pleno & exuberanti al-  
ueo prosperitatis manant riu; qui non tantum Diuinæ loquuntur in nos  
beneficiæ magnitudinem: verum etiam optata pacis tempora post di-  
luuium humani sanguinis, & ciuiliū ossium aggeribus cumulata busta  
pollicentur. Si licet fatorum leges, causarumq̃ latentium, in deterius  
optata, in melius aduersa flectentium, varietates humanæ tenuitati utcunq̃;  
conijcere: crediderim calamitates tot annorum, in quibus nemo nostrum  
impunè vixit, non alio fine immisas nobis; quàm ut maior dulcedo esset  
nascentium gaudiorum. Præparabat nos Maiestas illa summa venturis  
bonis: cumq̃ue toties, rigentibus aduersitatis vndis, artus probauisset no-  
stros; cum toties decumanis periculis, exercuisset robur; cum toties im-  
prouisis ictibus, indurasset virtutem: tandem in nos lenissimos retulit  
oculos, totq̃ue annorum dispendia, breui compendio resarciuit. Ponunt  
minax supercilium multiplicium bellorum venti, fugiunt horridæ seditio-  
num nubes, fædæ tempestates quæ supremæ huic regno incubuerant, re-  
federunt; & si adhuc domestica aliqua obuersatur obscuritas; aut residuus  
motuum ciuiliū, velut vndarum pulsus immurmurat; paulatim per in-  
terualla conquiescit. Tua hæc auspicatissimi imperij initia sunt S E R E-  
NISSIME MICHAEL KORYBVTHE omnibus omninò homi-  
nibus conspicua, Polonis salutaria: quos ut in ampliorum spem bonorum  
certissimâ duceres præsumptione, in ipso felicissimæ Electionis Tuæ nun-  
cio, optatâ pace recreasti. Diuturnam nobis auguramur serenitatem, quod  
ut primum Poloniæ Cælo gentilitia Tua illuxerunt sidera, statim vniuersa  
quàm latè protenditur, ad sensum pacis componi cæpit; eiusq̃ue commo-  
da, iam tandem ipsâ desuetudine in obliuionem ducta delibare. Obser-  
uent ergo ut volunt Lunam, suo genio pugnaces Spartani. Magnifica ipsi  
in extructis templis appendant dona Persæ. Consilia sua in eius potissi-  
mum delubris celebrent gentium domitores Romani. Sacrificent ei aquam  
melle dilutam Athenienses. Concipiant vota sua precesq̃; delegent Ægy-  
pti. Libet veluti Regina cæli suis roribus implicata gentilitas. Nobis in  
Luna Tua quàmuis maximus ad eam honorandam affectus caleat, procul  
omni superstitione, iucundū est, expressam Diuinæ in nos clementiæ imagi-  
nem intueri,



nam intueri. Certiusne se potuit in res nostras, in publicam incolumitatem insinuare, eam seruatura Diuinitas; quam cum diuisam in se vniuersam nationem, & in varias partes atque factiones tractam, ad ipsam auspiciatissimam Tui nominis mentionem, pacis & concordiae æternis fœderibus colligauit; effecitque, ne quis intercederet pijs suffragijs, quæ in Tuam personam ferebantur. Quanquam ne deliberatione quidem longâ, nec suffragiorum anxiam trutinam delatum Tibi sceptrum; sed impetu, & verius instinctu impositum, & vna ac consentiens vox: imò procursus & admiratio Regem fecit. Tantum boni Cynthia Tua promittere nobis visa, Cynthia origine sua illustrissima, virtutibus candida, manifestis supremi Numinis fauoribus commendata. Tantum tu ipse à naturâ, doctrinâ, vsu eximius, ab omni virtute sic conspicuus, vt publica sit confessio: talem esse debere, qui à populis adoretur. Quæ contemplatio cum cunctorum lætitiâ in immensum augeat; tum literatorum pectora, qui soli rebus suum pondus ex æquo reddere nōrunt, in tantum onerat: vt se solo verborum auxilio, aduersus incumbētis lætitiæ magnitudinem vindicare possint. Hinc Tibi nascuntur fertili partu doctissimæ commentationes, quibus augustum nomen Tuum, non tacite solum intra cordis adyta colunt ac venerantur; sed id ipsum coram orbe erudito gestiunt comprobare. Quorum ego minimus licet sim, impetrare tamen ab animo non potui; quin aliquod è literario penu, Tuo nomini munusculum offerrem. Et certè si olim antiquis nascentem Lunam adorare, non licitum tantum fuit; sed laudabile: an non mihi valebit, ad obsequij impensæ decus, Cynthia Tuam, & in ea Diuinæ clementiæ simulacrum, simplicissimo veritatis elogio celebrare. Hanc Oratio mea, vnâ imagine, varijs coloribus adumbrabit; hanc mea cura vno affectu, variâ scriptione repræsentabit. Leges laudes Familiæ, quæ Tuæ sunt: audies virtutes Tuas, quæ ostendent Regium sublimis munus, non potuisse deferri digniori. Venies in cogitationem Diuinorum miraculorum, quæ asserent nemini se fidelius, æterna fata, ad felicitatem obstrinxisse.

*Nat.*

*Miracul.  
Lod. comparat.*

Inter alia, quibus supremum Numen, humano generi largè se communicat, Luna est: familiarissimum terris sidus, & in tenebrarum, periclitantisque naturæ remedium ab eo constitutum. Proxima cælesti Cardini, ideoque minimo abitu, vicens diebus septenisque; & tertia diei parte, sua spatia percurrēs; crescēs sēper, vel senescēs: plena, diuisa: curuata in cornua, sinuata in orbē: maculosa, prænitēs: humilis, excelsa: admota cælo, contigua mōtibus: in Aquilonem elata, in Austros deiecta: non idē tam multiformi ludit varietate, quasi suas vices habeat, & in tempore mutetur; sed quod in commodum viuētiū, mutari eam sit necesse. Nimirum vt sciamus orbis genitricem, qui vi caloreque Solis & humore molli Lunæ continetur, reducit se aliquando ad temperiem luminis, ne orbis nimio inutilis humoris, qui ab ea fluit, grauetur incremento. Rursus ne perpetuā inarescat siti, & masculo Solis ardore torreatur, nouam statim temporibus circumfundit sibi claritatem, cunctaque humifico spiritu laxat. Inde illa miracula in naturâ, accessu



cessu eius corpora impleta, recessu inania; tempestatum commotiones, &  
rursus serenitas; morborum quasi agmine venientium impetus, & mox  
sanitas; animalium quorundā labores, & quiescente fidere cessatio: & quod  
omnem humani ingenij vincit captum, maris æstus portionibus crescentes,  
ampliores minoresq;: prout illos elicit Lunare sidus, ad cuius arbitrium  
Oceanus exundat. Enimvero speculari iam Poloni, in cælesti Luna, beni-  
gnitatis imaginem Diuinæ desinamus, quam in CYNTHIA KORY-  
BVTHEA, liquidis coruscantem radijs possumus intueri. Maximum  
Te SERENISSIME REX, agnoscim⁹ supernæ clemenciæ simulacrū, quē in  
sublimem Regni Polonici Horizontem, non vecors protrusit ambitio; sed  
innocua vocauit pietas; nō præceps rapuit impotentia; sed apertissima eleua-  
uit æquitas: non sibi suisque inimica propulit temeritas; sed lenitas, sed  
moderatio, sed boni publici studium, aliæque rarissimæ naturæ mentisque  
dotes deduxerunt. Ingens nescio quid, magnificum, augustū, præfaga spes  
iubet de Te Patriæ ominari; quem Illustrissimā KORYBVTHORVM  
Prosapiā editum, splendido gradu, terras ingressum scimus. Fuit hoc Fa-  
milix Vestræ, ab origine ipsa, felicissimum fatum, hæc continua gloria, non  
potuisse, non debuisse, nisi magnis grauib⁹que casibus, & factis insignibus,  
dignitatem, gloriam, nomen mereri. Quia enim Martia gens, multum ex  
auctoribus suis retinuit; & quia Spiritus maiores in origine biberat; quā vt  
vel quiescere, vel latere posset: non mirum est, si per ea erupit, & veluti e-  
micuit eius indoles; per quæ nonnisi magna semper erumpere virtus, nisi  
maxima emicare gloriā solet. Quò magis æquū erit ignosci mihi, si in pulcer-  
rimā Honoris Tui pompā, Illustrissimi Tui Maiores à me memorabūtur; ne à  
luce, quā sibi tot retrò pepererunt laboribus, excludantur: & rursus quæ ad  
laudem & decus ab ijs facta, non omnia proferentur: ne in voti audaciā ob-  
sequij gloriā perdat, & tantarum virtutū perstricta fulgoribus, hebes & at-  
tonita hæreat Oratio. Itaq; prima Originis Vestræ fūdamēta, veluti magno-  
rum fontium capita, solo silentio venerabor; nec quid ante Lunam bellico-  
sissimi illi Litaones, Narimundi, Gedimini gesserunt inquiram curiosius.  
Sit hæc prima KORYBVTHORVM Familix gloria, mortales eam  
metas egressam esse, cui nulli fines, in gloriæ suæ inuestigatiōe, occurrunt.  
Quæ autem proximarum ætatum confinia se offerunt, tam magnifica sunt,  
vt in summam originem amplè sonent. An quid enim his Titulis excelsius?  
hæc origine illustrius? KORYBVTHVM huius cognominis & radiantis  
Stemmatis auctorem esse, Germanum Magni Iagellonis Fratrem, cum quo  
eum non sanguinis modo coniunxit necessitudo; sed etiam Heroicæ &  
suprà hominem virtutes, in eandem similitudinem vitæ pellexerunt. Fuit  
enim IAGELLO REX; vt à Bohemis eligeretur iste: & cum ille in  
Regali solio cōsideret; inuenit iste tantos virtutis suæ cultores; vt se felicissi-  
mos mortalium futuros iudicarent, si ab isto regerentur. Amplius etiam  
fuit mereri regnum, quā habere; virtute, quā diademate eminere; non  
potentiam in populos rigidè exercere; & tamen Regem esse, quia animo  
vicerat, quicquid velut magnum æstimatur. Sed IAGELLONVM



tamen gloria **KORYBVTHORVM** propria est, qui sicut olim gemini Tyndaridæ, Castor & Pollux, sanguine fratres, potestate Reges, mansuetudinis, pietatis, clementiæ paritate simillimi, diuim imperij honore refulgebant; & post fata, ortu alterno, conspicuis in cælo lucent facibus: ita **IAGELLONIBVS** illibatam regnandi dignitatem transcripserunt, & venientem ad se, variâ ornatam purpurâ, fortunam reiecerunt. Reiecerunt: ut deinceps deficiente, dilectâ Polonis **IAGELLONIA** stirpe, in Te (ô miram factorum clementiam) **SERENISSIME MICHAEL** cumulatiùs reciperent.

*Astrorum flammæ renouant occasibus ortus*

*Lunam finiri cernis, ut incipiat.*

Quicquid ergo Serenissimi Iagellonidæ gessere: quicquid in ipso Familiæ conditore **IAGELLONE** generosum, in Vladislao Varnensi bellicosum, in Casimiris magnificum, Albertis prouidum, Alexandris benignum, Sigismundis magnanimum piumq; ; in alijs fortunatissimum mundus adorauit vel coluit: totum id in Vestræ laudis plenissimas scaturigines derivandum est; totum inter exempla virtutis Vestræ fortunæq; memorandum: in quos ab eodem principio, cum sanguine eadem transijt indoles, iidem se affectus trāsmiserunt. Non magis binæ istæ Familiæ seiungi possunt, quàm aureus circulorum mutuo sibi inhaerentium complexus: quàm fusi per orbem radij, in coronatæ lucis fonte concurrentes. Quanquam si naturæ lege nitimur, quæ validissima est, latius etiam pomeria Familiæ Vestræ extenduntur: & nescio an vlla gens sub orbe sit, quæ maiori laude præ Vestrâ debeat æstimari; vel saltem cum Vestrâ, æquatis honoribus, venire possit in certamen. Nam ex **ALEXANDRA** sorore germana **IAGELLONIS & KORYBVTHI** nunquam sine laude memorandorum fratrum, nuptâ Zemouito Quarto Masouia Duci, nata est deinde Cæcilia Ernesti Archiducis Austriæ faustissima Coniux, quæ Fridericum Cæsarem orbi dedit. Quantus se iam hic Illustriū radorū concursus vibrat; in quam vastos, gloria vestra, per Sanctissimos connubiorum nexus, extenditur terminos. Dicendi essent ingentes illi, vobis coniugio innexi tali **AVSTRIACI**, quorum felicitas ad ipsos deficientis Naturæ limites, inoffenso victoriarum impetu percurrit; in quorum ditionibus sol oritur & cadit; non minus subiectis populis, lucis & diei promus; quàm Austriacæ testis benignitatis, publicæ generis humani salutem propugnantis. Verùm ne longius, quàm par est, per altissimos cognationis apices excurrat Oratio: in ipso vos Ducalis vestræ lucis contemplabor centro, in quo totâ virtute, totâ fortunâ fulgentes, oculos nostros ad intuendi dulcissimam suauitatem inuitatis. Stertant ignaui Endymiones ad suam Lunam; præferant maiorum suorum trophæa, ut arbores, ut trunci: ad nullum solidæ virtutis decus surgentes ipsi: Tollantur velut carbasa nauium in sublime, alieno flatu alieno vento. **KORYBVTHIDÆ** quotquot fuerunt pro Patria, perpetuo motu & iugi se vegetabant agitatione, ceu indolem à gentilitio sidere traxissent,



sent, cuius motus irreuocabilis est, nec hæsitat vnquam, nec resistit, nec dat vllam suspicionem obiectæ sibi moræ. Per plana, per aspera, per glacialia, per æstiuum solem, domi, foris, pace, bello, in periculis, insidiis iactati: vi, astu, manu, consilio vsi; vt fors ferebat, & publica necessitas: nunquam virtutem, quâ vltrâ cæteros eminebant, deseruerunt; indole, non iactantiâ gloriosi, operibus non sermonibus, abundantes. Implet adhuc oculos & animos gratissimæ Posteritatis Fedorij Filij KORYBVTHI, clarissimus virtutis & generis fulgor, quem cum maiorum suorum; tum propriæ quoq; dignitatis amplitudo, & fortunæ indulgentia eousq; extulit, vt non minor Magno Parente Vinniciensis & Zbarasiensis Ducatum iecerit fundamenta. Adstupescunt audientes, Fedorij, Danielis, Basilij ingentibus nominibus: ipsosq; viros in amplissimo famæ theatro, publico applausu prosequuntur; quos & generis eminentia, & supremi in Republica honores, & felix maiorum imitatio, Reipublicæ Polonæ Principes ostentabant. Ab his deinde diffusi per tot stirpes rami, ab his noui surgentesq; tætus, assertæ consertæq; familiæ, plantati latè furculi, in Korybutheas famæ & generis, prouenire colonias. Non potuit facunda virtus, vno germine stirpeq; includi. Quàm enim semper gloriæ capax; tam viris animisq; copiosa familia ea esse debuit, cui Patriam semper liberare, cui seruare, cui deniq; ornare incumbebat. Natæ stirpes è stirpibus, honoribus aucti honores, interq; Illustria natalium confinia, educata felicitas, felicitati respondit, honores honoribus occurrere. Produxit se gentis vestræ sanguis, per Zbarasiorum, Poriciorum, Voroneciorum Ducales Familias; & nusquàm tamen virtutum facta diminutio. Quàm ingens enim debuit esse magnanimitas Alexandri Ducis Poricij, qui cum horribilis grando, Scythicæ incursionis, ad Oriminum patriæ incumberet, vt eam propulsaret, in ipso bellici laboris æstu, generosam animâ, per hiantia vulnera, Deo reddidit, & sanguine sibi ad cælum iter sanxit. Quid Ducibus Zbarasij fortius? pugnacius? aut pro tuenda patriæ dignitate animosius? qui magnarum animarum penè ad reprehensionem prodigi, difficillimis certaminibus se honoribus vindicabant. An cedit fortè Papyrio Romano, Stephanus Dux Zbarauius, illo corporis robore, illo animi? qui in bellis Moschoviticis, maioris discriminis aleam deposcere, succensus vrgere, & lassare fortunam solitus, cruenti Martis campum, sæpius hostilibus conferebat cadaueribus, vt laureas demeteret triumphales. Superatne Marcellus, Nicolaum Zbarauium, Præfectum Kremenecensem, cuius sæpius arma virtutemque, irruenti in viscera sua, Turcici Scyticique furoris torrenti, felicissimè Patria opponebat. Quantus eras Ianussi Palatine Braclauiensis, ad Iuanum Moschuæ Ducem Legate, cuius sublimes prudentiæ eloquentiæque dotes, non tantum duriora Moschorum molliuerunt pectora; sed prudentissimi etiam Regum Bathorei, memorabilem ad posteros, expreserunt vocem: videri te parem, cuius humeris tutò regnandi onus imponatur. De te verò gloriosissime Christophore Zbarau quid dicemus?



quas in Telauros cogerem? cuius Turcica legatio, sine dubio vicit superbæ gentis arrogantiam, effecitque mirabilis dexteritas, ne rursus gemeret, sub pondere atrocissimi belli, Polonia, & in ea Christianus orbis. Erat tum crudelissimæ genti propositum, cruentis Poloniam molitionibus conficere, ruptâque sacrosanctâ fide fæderis, in oculis, atque adeo in sinu nostræ patriæ, bellum collocare. Dolebat tumidæ genti, quod ad Chocim, licet ingenti Ciuium iacturâ, tamen vicimus; & ad profecti onem ex hostico, fugæ simillimam, eosdem adegimus. Vnde postea nati diuturni Byzantij tumultus, morsq; ausu incredibili, Osmano Imperatori procurata. Ergo prætextus rumpendi fæderis quaesiti, decretumque Ministrorum aulæ consilio, violatione Legati tædam belli furialis accendendam. Opus erat diuinâ mente & consilio prædito Vlyssæ vel Nestore, qui inter dissidentes gentes, paciferas oleas prætendens, vtriusq; factis intercederet. Fuit nobis is Nestor & Vlysses, Christophorus Zbarapius, in omnibus factis dictisque suis, ipsam spirans immortalitatem; qui velut Maïæ nepos cælo delapsus, orientes procellas, disiecit consilio, bellandi rabiem, sopiuit prudentiâ, & exulceratis animis, fomenta adhibuit, vt pacē ferre vellent. Tales Korybuthidæ Zbarauij, Quid VISNOVECII ipsi non homines sed scopuli & rupes, vt exciperent vires omnes hostiles, & eliderent: Lumina & decora bellatorum, virtutis heroicæ exemplaria, suprâ antiquos Duces, quos mirata Græcia, quos Roma extulit. Quæ sæcula posthuma, non figent trophæum æternitatis, Colossæo opere perennis, Demetrio Visnouecio; cui toties domitus Turca submisit genu; toties fugatus Scythæ, porrexerat palmâ; toties prostratus, rebellis Cosacus, depedit vitam; toties fædis fragus Valachus suas imputauit strages. Hic ille profecto Heros fuit, ille vir: qui quanquam confertis confossus telis, & cruore depluens, truncos lacerosque artus, hostili obijciebat audaciæ: & extremo sibi sanguine moriens, Priuilegium immortalitatis consignauit. Ne hic amplius Callimachum Atheniensem, Othryadem Sparthanium, Posthumium Albinum Romanum Ducem, Cassium Scæuam Centurionem, vel Caium Acilium militem Cæsaris, aliosq; paucos admiremur, qui quod paria antiquis sæculis fuerant ausi, inter prodigia fortitudinis, à Scriptoribus referuntur. Eminebit præterea immortalis charactere depictum in templo perennis gloriæ, inclytum Constantini Visnouecij nomen, ad cuius conspectum turpi formidine horrescebat Scythicorum prædonum colluies: & velut ad obiectum Medusæ caput, totæ acies in lapides rigescebant; nisi quod passim fugâ præcipiti, vindici se ferro subducebant. Legentur cum admiratione Michaelis Circassiorum Præfecti, Andreae Palatini Volyniæ, Constantini Palatini Russiæ, Ianussij Præfecti Regni Strabuli, præclarissimæ actiones, qui labores laboribus, merita meritis continuantes, Orbi declarârunt vniuerso: in Korybuthea Familia firmâ se, perpetuâque possessione fixisse, & cum posteritate tota coniunxisse virtutem. Venies in partem laudis Michael Præfecte Owrutensis: scient longæua tempora, quàm sæpè hostes fregeris, quæ pericula adieris quàm



quàm densa Tomzæ, Moldaui Ducis agminina, ne spargerent per Patriam  
horrendam mortis imaginem, perruperis, deieceris, protriueris. Sed  
præcipuè sublimi se vultu efferet, posteritati venerandus, dignissimus  
SERENISSIME REX Parens tuus: **HIEREMIAS MICHAEL VISNO-**  
**VECIVS**, Palatinus Russiæ, incōparabilis Heros, nouus Atlas, qui ruentis  
Patriæ pondus, inuictâ ceruice sustinuit; Nouus Hector Troianorum, vel  
Camillus Romanorum, in perditis rebus felix, in turbatis immotus, in  
conuulsis constans, in desperatis inuictus: verissima Poloniæ Cynosura,  
quæ tenebras pellebat horrendæ noctis, atrasque tempestates depulsis  
bellorum nimbis serenabat. Singula tanti viri prodigia fortitudinis,  
serius nonnisi Annalium labor, & eruditæ Historicorum manus, in in-  
tegro ponent: mihi innuisse suffecerit, nihil publicè in Republica feliciter  
esse gestum, quod non Visnoueciâ dexterâ ad fastigium deductum fue-  
rit, & quasi consummatum. Ille in Moschouiticis sub Regum victoriosis-  
simo Vladislao bellis, quindecim millibus conscriptis, iuit audentiùs in ob-  
stantia, tantamq; hostilibus oculis offudit caliginem, vt captis oppidis,  
arcibusq; dirutis, nihil in patrio solo, nisi vasta rudera, altisq; cineribus  
consepulta saxa, & fumantium domorum reliquias videre potuerint. Ille  
Abasij Turcici Ducis audaciam, furentem procellis, fulminibus sæuien-  
tem, conuicit suæ temeritatis: tantoq; terrore hostile pectus religauit, vt  
supplex, in ipsius Regni aditu, pacem flagitârît. Ille grafsantem toties  
Cosacorum rebellionem, militarem in omnia præmittens celeritatem, ex-  
tinxit, compressitq;. Sæpiùs salutari accursu, haud dubius seruator exer-  
citûs, cùm eius non tam nutabat fortuna; quàm deplorata propè iam  
fuit securitas. Sæpiùs solâ aduentûs sui famâ, liberator Russiæ, à sæuis  
Scytharum populationibus, & omni spe successus excludens hostes. Sæ-  
piùs primâ in acie capessens pugnam, & dignum famâ gloriâq; caput,  
periculis offerens, animosior iptis difficultatibus, & sanguine pulchrior,  
quo pingi virtus solet. Quæ verò deinceps post funestissimum patriæ,  
Vladislai decessum egit perfecitq;, quæ ingenij vis atq; facultas suffi-  
cienter explicabit? quod dulcissimum sermonis nectar, ad publici saporis  
gustum, omnibus insperget illecebris? Omnia licèt huc reuocemus præ-  
terita, & ad canendas vnus laudes, vniuersorum vatum, scriptorumque  
ora consentiant, vincet tamen operum eius amplitudo mille linguas, ipsaq;  
si sit aliqua corpore vno, facundiam superabit materia. Funesti Interre-  
gni acerbitas: moxq; Pilaueccensis consecuta calamitas, post quam nihil  
nisi mors patriæ, & miserrimæ captiuitatis restabat conditio, ne se vl-  
teriùs infunderent in patriam, à limine eius repulsæ: **VISNOVECII**  
opera sunt, qui cæso exercitu, captis Ducibus, successus compelsuit fe-  
rocissimos, & recessit inuictus ex arenâ, cùm metu procubuerat Respu-  
blica ferè omnis. Zbaruiensis inuictus ille miles, exigua sed leonum ma-  
nus, à coniuratâ Scythicæ Cosacicæq; multitudinis potentiâ, circumfessæ,  
ne immanibus belluis in prædam cederet, non prælijs, sed continuis ho-  
stium defenſa stragibus, **VISNOVECIO** debet Ciuicam, qui duobus



stipatus, millibus in illam tristi incendio flagrantem Troiam, se medium iniiciens, ex ea graues meritis, suis humeris, elatos Ciues, afflictæ patriæ redonauit. Berestecensis Victoria in qua profligatum habuissemus bellum, nisi læua consilia obstitissent; VISNOVECIVM Auctorem magna parte recognoscit: qui primus vehementi similis fluuiio, quem abruptæ radicibus sylvæ, & conuulsa funditus saxa sequerentur, agmina perrupit hostilia; tantumq; in barbaros effudit impetum, vt spe, campo, fiduciâ, deiecti, corpora auertere maluerint; quàm in cogitatione præsumptæ Laureæ, ad certam necem rapi.

Neque tamen immortalitate dignissimi viri totâ vitâ, ad sagum, & bellica insignia fuit deuoluta. Quàm in discriminibus, & prælijs, implacida mortis formidine, terrebat hostem; tam domi morum elegantia & quâdam naturæ suauitate, & effusis largitionibus, graciosus multis, correxit errorem Coriolani, eximias dotes, asperitate naturæ corrumpentis. Nullus Tagus aut Pactolus, tam copioso fluxit auro; sicut Visnoueciana manus, quæ in alendos munerandosque boni publici causa milites, vltra decem Millions de proprio peculio erogauit. Nunquam sic læta atque genitabilis, redeuntis anni statio, post horridam geluq; suo rigentem hyemis acerbitem, agros imbre raro, sole modico temperat: sicut Visnouecij liberalitas, dilatione expectationes non nutriens, indigentibus gratuita beneficia deferebat; quasi in illis quoque celeritatis gloriam affectaret. Surgebant ingentes properato opere Basilicæ, eius nutibus obsequentes. Prodibant ex imis terræ visceribus, promptiora ei imperio, quàm Orphei cantibus parere saxa; & pulcherrimis ædium sacrarum erectis monumentis, eius famæ perpetuitatem fulciebant. Augerantur amplis cænobia redditibus, & quæ omnium machinatrix scelerum rebellio disturbauit, & exhaust, gratissimo munificentia suæ complexu fouebantur. Conspiciebantur in publico, iam melioris fortunæ vultu, suâ bonitate recreati, qui in desperationem proiecti, situ se & squalore consumeant. Omnibus denique hominibus, sub crebris ictibus aduersæ fortis suspirantibus, Visnouecij domus, idem fuit, quod afflictis securitas post timorem; quod vmbraculum post calorem. Et hæc illa fuit virtutum eius magnitudo, quæ sic omnium occupauerat animos, sic promiscuas gratulationes elicuerat; vt solis indolem imitata, quod ipsa non pertingebat, mitteret sui radios: & commendaretur ab ijs, qui videbant qui audiebant; suspiceretur, qui non videbant, & sentiebant per calorem. Supremi Orbis Christiani Præsides & arbitri, hostes Turcæ, Scythici, Moscouiticiq; Imperatores, Principes Transyluani, Dynastæ Moldaui, in iudicijs, sermonibus, admirationibus habuerunt, coluerunt, suspexerunt: nec aliter amici de eo, quàm sui sæculi prodigio, miraculo, exemplo; hostes quàm de terrore, victore, triumphatore suo loquebantur. Vniuersa Patria, quàm latè patet in Visnouecij Nominis mentione, hilarescebat effusis gaudijs, & vix mentis compos exundantem amoris affectusq; sui vbertatem capiebat. Illum suum Telamonem, suum Camillum, suum  
Hectorem



Hectorem, suum Epaminondam, suum Scutum vt olim Romani Fabium, suum gladium vt ijdem Marcellum iactabat, appellabat. Imperterriti pectoris Heroem, hominis quasi conditionem egressum, à benignis sibi cælitus transmissum fati, qui se labantem magno animo retineret. Ite nunc magna Torquatorum nomina, & aurum, spoliaq; in titulis reportate. Ite Martia vocabula, & Regna Ciuitates expugnatas in cognomentis ac triumphis ducite: ite facundiâ potentes Græci, & vestros Theseos Liberosque cælo consecrate, victorias illorum in marmore ducite, in adamante incidite, ebore reddite, tabulis illustrate, in thopasiis & amethystis sculpite: splendidis prætereâ titulis, laureatis lemniscis, ingeniosis imaginibus illustrate. **VISNOVECIA** virtus, factis non titulis illustratur: statuis quæ obmutescunt, vel cælaturis non eget; ad quam exornanda orbis conspirat vniuersus. Efferet eam vel in ipsa astra, pennata fama, tantaq; gesta non commendatione ceræ, vel pigmentorum fucis, aut ambiguis inscriptarum molium substructionibus; sed desiderio florecent animorum. Quod si imagines, & typi, & cælaturæ, expressuræ genium illum augustæ mentis, magis placent: quanto melius perfectiusque in **TE DEMETRI VISNOVECI** Exercituum Poloniæ Generalis Campiductor. In **TE CONSTANTINE** Dux Magnanime, spirans immortalis Patruis idea apparebit. Reuocatis nobis iam toties ad vitam, rediuiuos magni Herois actus; & similem in pugnando viuacitatem, celeritatem, declarastis. Sensit vostoties feruentissimos vindices religio; infraçtos integritatis suæ defensores patriæ; impauidos periculorum contemptores, toto furore armata Bellonæ potentia. Vestra manus ligata nunquam metu fuit, nec timore vinçti pedes; quoties patriæ à vobis, subsidia in inuasorem Suecum implorabat: quoties vindictam de rebelli Cosaco deposcebat: quoties pænam de populatore Scythia requirebat: quoties vires roburque, aduersus alios hostes flagitabat. Existat in vobis hic animus in Patriam Illustrissimi Duces. Maneat persimilis charitas, & principalis Familia Vestra, vt olim apud Athenienses Cecropidarum, apud Sparthanos Heraclidarum, apud Romanos Scipionum fuit; fatalis esse ad seruandam salutem Patriæ, in exemplum posteris innotescet. Quanquam quid necesse fuit germinantem in alijs **VISNOVECII** Nominis Maiestatem, & sanguinis amplitudinem, per longos circuitus contemplari; quam in **TE SERENISIME REX**, pleno quodam, & facundo grandium operum prouentu, adultam in compendio fore, præuidemus. In Tuo ore Heroicos Parentis vultus natura signauit, qui aspectum illius ad Diuorum concilia translatis; adhuc desiderantibus nobis repræsentas. In Tuum pectus magnus ille tot Heroum tradux, se transfudit spiritus; nec forma tantum eius in Te; sed continentia, fortitudo, iustitia, prudentia, sese votis Poloniæ manifestant. Applaudere **REX OPTIME** origini Tuæ, per vestigia Magni Parentis perge, incalesce ad aspectum Heroicæ virtutis, & gesta dignissima, quæ vltra Carpathios Riphæosq; montes, non ignorantur, æmulare. Non simplici quidem itinere generosæ virtutes



eius ingrediuntur; sed omnes ad eundem gloriæ exitum ferunt. Excurre in specimina indolis, dignæ summo apice: exhibe splendide Personam, quam in Te Deus deposuit: futurus Poloniæ nostræ, quod Annibal Carthaginensibus fuit, post Amilcarem; quod Africanus Romanis, post Cornelium Patrem; quod Corvinus Hungaris, post Hunniadem; quod Kriouostus noster post Hermannum.

Descendere hic volui ad Materna decora, nisi quod rursus Heroes & magna nomina, rursus noua decora, & honores perstringunt simul mentem, & confundunt. Siue enim mereflecto ad Ostrogias CATHARINÆ Palatinæ Volyniæ, Auiæ tuæ maternæ Lunas. Offerunt se non Duces tantum Russiæ, Theodori, Leones, Basilij, Romani, Gregorij, Iaroslai Vlodimirij; non Daniele tantum coronati Reges Haliciæ; sed ingentes illi Basilij, Leones, Constantini, Imperatores Orientis, qui ad consortium augustissimi sanguinis Ostrogios admittebant. Influunt in penetralia pectoris, palmares gentium domitores, Boleslai nostri Audaces, Kriouosti, qui Regales Coronas suas, Ducalibus eorum Mitris, per connubiorum fœdera, pari animorum concordia, sociabant. Siue in limatissimis Abauia Tuæ ANNÆ Palatinæ Sandomiriensis Soleis, oculos figo. Occurrit grandis Atauus Tuus, IOANNES KOSTKA, cuius multiplici virtutum robori, tantum Polonia detulit; vt per lubrica cespitantis fortunæ vestigia processura, ab eius soleis mutuari firmitatem voluerit, fulgentique Diademate, capacissimum vastarum curarum caput, coronare. Dignissimum fuisse, vel ex eo sciri potest; quod rarâ modestiâ, inferentem se penatibus suis honorem repulit; meruisse contentus, non habere. Si uero denique ad grandes virtutis metas collimantes Odrouasiorum sagittas Gentilitia SOPHIÆ Palatinæ Russiæ, Proauia Tuæ decora, intueor. Rursus, vetusti Ducum Masouia, Regumque Poloniæ nexus, prodeunt in conspectum: quasi æquum esset, Regalibus Ducalibusque purpuris adiung eos, & vno cōnubiorū coalescere v. culo, qui æstimatione virtutis altius ipso Regno eminebāt. Si cui adhuc lucidissimi isti splēdores humani, nomina in historicis fastis radiantia, non sufficerent: ei Diuos indigetes tersissima puritatis, innocentia, sanctitatis specula, fausta Sarmatiæ Nostræ luminaria, quibus aras, & templa struit orbis, quibus genua venerabundè submittit pietas, præsentarem. Adeo enim hæ Familia lucis Maiestate sunt immensum cumulata, vt in cælum vsque lucidas Colonias, in suis Casimiris Iagellonidis, Stanislais Kostcis, Hyacinthis Odrouasij deduxerint: & superos illos Quirites, totâ fulgentes luce, tantâ accessione fecerint auctiores. Sed hæc talia licet tantaque sint, quæ grata conscientia recitat fides, quibus nobiliorum in generum calami, non fatigantur tantum, sed fatiscunt; adorentur interim à nobis de longinquo: ne omnia simul, exiguarum virium debilitatem, obruant mole suâ. Illa vero SERENISSIME REX, quæ ZAMOSCIANA virtute gesta sunt, quorum adhuc in Te, adhuc in Illustrissima Matre Tua, GRIZELDI CONSTANTIA, spectaculo fruimur; sine dilatione dicenda sunt: eò libentiùs



edò libentius, quòd quàmuis communis ista, Tuæ Inaugurationis lætitia sit, propriè tamen, vt Solis radij, magis definere debet in propinquos. Merentur triumphales ZAMOSCIVM hastæ, vt à triumpho isto nò absint, quas si olim habuisset Pallas, in Regali fixisset monumento. Si vidisset Lysippus, in dexterâ Alexandri Magni collocasset. Ex hac Regno Poloniæ faustissimâ Prosapiâ, emicuit ( ne ad cunabula Regni, Lechiq; primordia, Zamoscianæ Familiæ communia, recurramus ) ex hac inquam effulsit Magnus ille IOANNES SARIVS ZAMOSCIVS, cui melius adscribat Patria, quod olim nò ignobilis, sub pessimo Principe Scrip-  
*tor, Catoni tribuit Vticensi. Fuit virtutisimillimus, per omnia Diis quàm hominibus ingenio propior. Qui nunquam rectè fecit, vt facere videretur; sed quia aliter facere non poterat: cuiq; id solum visum est rationem habere, quod haberet iustitiam, omnibus humanis vitiis immunis, semper fortunam in sua potestate habuit.* Imò, si cum Romano Heroe, nostrum componere, consilium foret: declararem facilè nostrum providentiæ, constantiæ, fortitudinis, experimentis, non Catonis modo rebus gestis; sed omnium omnino Heroum, quicunq; aliquando in libertate nati, virtutum luminibus obstruxisse. Cato rigore nimio, & Stoicâ obstinatione, à proposito se dimoueri non patiens, nocuit interdum Reipublicæ. Dicebat enim tanquam in Platonis Politia, non tanquam in Romuli fæce sententiam, quemadmodum sūmus Orator conqueritur. Noster cū sibi manendum constituisset in vigilia quadam Senatoria, sana & salubria consilia tanquam aliquod nauigium, atq; cursum, ex Reipublicæ tempestate moderari pulchrum duxit. Alij Duces Heroeq; cū ad militiæ gloriam ab ipsâ naturâ facti viderentur; in ciuilibus tamen negotijs, feruore nimio Rempublicam sapius in casus dabant. Pleriq; cū in rebus ciuilibus altius exaggeratæ mentis capacitate, periculosa ratione gubernata, vertent ad felicitatem: in bellicis tamen negotijs hærebant totis neq; satis ægrum animum, totumq; deiectum formidine, virilibus præceptis confirmabant. Noster ZAMOSCIVS, dubiū fortior in bello, an prudentior in pace, excellentia Præfecti Militaris, Cancellarij; officia, vnicus impleuit, tantâ integritate animi, dexteritate iudicij, magnitudine circumspectissimæ mentis omnia agens, vt curâ eius semper felix bellum esset: & sapientiæ studijs, illæsa domi Reipublicæ dignitas. Mirabuntur posterum dum partas illius numerabant victorias, dum successus bellicos, & præclarissima recognoscent decora. Sed non minùs animos eorum attonitos reddent, ciuiles tumultus ad eius nutum consopiti, & cuncta ad Reipublicæ suæ commodum, facillimo flexu versa. Transmittent cum laude sequentibus temporibus, septuaginta Tartarorum millia, Duce Cassigereio bellatorum sui æui celeberrimo, septenis nostrorum millibus, intrâ suæ Tartariæ deserta pulsa. Rosuanum cum duodecim Hungarorum millibus contritum funestâ clade. Michælem Palatinum Valachia, cum sexaginta millibus apud amnem Telesinum profligatum: in aliaq; omnia bella, stratam illi per lauros viam. Sed neq; prudentiæ miracula reticebunt:  
D Exactum



Exactum Regno potentissimum Candidatum. Fraudibus coniuratæ rebellionis circumuentam Rempublicam, in ipsis mali nascentis initijs expeditam. Militem toties ruentem in seditionem, magnificis impendijs compressum placatumque. Non inter morituram adscribent gloriam Livonicis trophæis: Castellis, naturâ loci, & arte humanâ munitissimis, fulminantibus armis concussis referatisq; . Sed non minùs eximent vulgo, & hærebunt in suaui recordatione; quod oculos à custodia legum deflexit nunquam: priuatum commodum procul habuit: periclitantis libertatis ruinam sinit: etiam literis, in perpetuum Reipublicæ obsequium animatis, quibus Z A M O S C I I inclytum Prytaneum Asylumq; liberalitate Regibus pari excitauit. Et fruebaris Tu quidem Magne Z A M O S C I, illustri Tuorum præconio meritorum, dum adhuc cætus hominum frequentares, publicis Poloniae gratulationibus, in Comitijs Centuriatis, Conseruator Patriæ, clarissimum nostræ gentis sidus, delictum, ornamentum appellatus. Fruebaris in animo Serenissimi S T E P H A N I B A T H O R E I, inter Togatos prudentissimi, inter bellatores inuictissimi, qui te non intumescere tantum dilectum sibi, in animo, in oculis, in pectore, velut pretiosissimum monile circumferebat; sed etiam ad Regij sui sanguinis dignationem adsciscere, datâ in confortem Nepte suâ GRIZELDI pulcherrimum iudicauit. Fruebaris in filio T H O M A, dignissimo Paterni nominis successore, qui se progeniem Tuam, non similibus tantum virtutibus; sed iisdem propè honoribus comprobauit, & laureatos Familiæ postes, nouis etiam antefixis trophæis exornauit. Fruebaris in Illustrissimo Nepote IOANNE Palatino Sendomiriensi, qui iam in Maiorum suorum facta laudesque de proximo assurgebat, nisi eum fatorum inclementia, in ipso ætatis vigore, terris abstulisset. Frueris etiam modò in Illustrissima GRIZELDI VISNOUECIA, quæ & ipsa fulgentes Maiorum suorum titulos, tantis suis decoribus cumulat ampliatque; ut memoria in ea Patris Maritique, minimû momentum, ad conciliandum populorum fauorem sit. Quanto tamen nunc gaudes, magis, & exultas in S E R E N I S S I M O T V O Pronepote, eò gloriam penetrasse Tuam, unde iam aliùs ne ascendere quidem possit. Non diffiteor, nam est aliquis beatis illis animabus, quæ cælo degunt, sensus, sentiunt immortales Maiorum Tuorum cineres, quod ad latitiam nos nimium persentimus. Lætantur gloriosæ illæ, & omni æuo dignissimæ mentes, Tuus S E R E N I S S I M E R E X Illustrissimus P A R E N S H I E R E M I A S: Tuus gloriosis. Abauus I O A N N E S Z A M O S C I V S quod in suâ honorentur stirpe. Effusis omnium studijs, & gratulationi applaudunt taciti, & diuturnam istam Poloniae vouent felicitatem, quæ ex domibus eorum, optimis auspicijs, illucescit. Gratulantur etiam, & publicæ felicitatis bona, in suum lucrum computant, quod se maiorem, auspiciatissimo partu, Polono orbi transmiserunt. Quanto enim istud rarius est spectaculum, Magni P A R E N T I S Maior F I L I V S; quod ut supremis culminibus: ita magnis Genesibus in punctum desinere



desinere familiare sit: tantò maiorem suam arbitrantur felicitatem, tantis à Te gloriam suam incrementis cumulari: quanta sufficiat nè quando vi-ces rerum, & euntium in præceps annorum lapsus, eam secum tollant.

Hactenus ego **SERENISSIME REX**, in Gentilitia **L V N A** Tua, Maiorum Tuorum decora, & in eis grande supernæ clementiæ simulacrum celebraui. Nam profectò si olim Romanus Sapiens, hominem interritum periculis, intactum cupiditatibus, inter aduersa felicem, quicquid timeamus optamusq; ridentem, in medijs tempestatibus placidum, caelesti agitari potentiâ, docuit asseruitque: quantò magis ego affirmârim **KORYBVTHOS** Tuos, Diuino munere, Poloniæ esse datos, qui velut primæ magnitudinis astra, in obscura nocte calamitatum, non dubiam ei claritatem fænerarentur. Quicquid **SERENISSIME REX** admirandum est in Maioribus Tuis, quicquid Heroicum in virtute, augustum in famâ, gloriosum in potentiâ, magnificum in honoribus, inuidendum in felicitate, splendidissimum in consanguineis titulis, **DE I** benignitas est: qui Familiam Vestram omni tempore clarissimis irradiauit fulgoribus, daturam Te mox, qui ad huius Regni salutem, difficillimo tempore, pleno iubare circumfusus, præsideres. Nunc iam mihi Tuarum quoq; laudum, titubante licet exilique eloquio, emetienda spatia sunt: & Tuarum virtutum sidera, quæ in patrium producis cælum, contemplanda. Neq; enim sufficebat capacissimæ indoli Tuæ tot retrò annos gloriæ Tuæ habere vectigales; & à magnis Heroibus, beatæ sortis auspicia sumere: nisi præcellam indolem, in primos honores resumeres; atq; amplius in sublimi rerum humanarum speculâ, acceptam stabilires dignitatem. Ac primùm cum scires, subsidia omnis doctrinæ, ornamenta virtutis, fulcra vitæ literas esse: & quoties magnum aliquod pectus inuasert, propè Diuinas dotes: industriam non in vilibus posuisti studijs; sed inaudito discendi correptus ardore, primò omni literarum amænitate interiùs imbui; mox solidiores disciplinas, & philosophantium placita, sedulo proptòq; ingenij conatu, complecti voluisti. Lunam dulcibus aquis ali Poëtarum nobis afflatus, & ingeniosa commenta narrant. In Gentilitiæ Tuæ **L V N Æ** fidere, Mineruæ purioris latices, tantam sitim excitarunt, ut nonnisi ingenti profluvio literarum sedari posset. In amplissimo Historiæ theatro consistens, suam cuique virtutem rependi, & bonis prauisq; factis, ex posteritate, laudem vel metum superesse adnotabas. Quicquid apud maximos Auctores sæculorum Regumq; potentia condidit, spontaneâ sedulitate eruebas. Quæ diuersi Regnorum casus, velut in sapientiæ arario seruabant, iudicio occupabas. Quæ Duces nobilissimi, variâ bellorum molitione laborauere posteris, omnia delectu Tua faciebas. Rursus in naturæ despectens contemplationem, cum Te in illa verè magnâ sustulisti, altâ perpendebas meditatione, minimum esse quicquid hoc orbe clauditur, nisi animus totum illum ambitum, qui supra nos effunditur, immensum tempus quod subsequitur, magnitudine suâ superârit, vel adæquârit. Sapius ad mitiora deuolutus studia, sublimes Vatum Oratorumq;



voces audiebas: tantoq; effusius, & principe studio ea adamasti; quanto humanitatis titulus conueniebat Tuis moribus, tantumq; ea dilexisti, quantum ab ijs es probatus. Nonnunquam inter ymbraticas curas serpere dedignatus, superas scandebas domos, & Geometrico puluere rerum magnarum simulacra ludebas, acies & praelia, captas & defensas Vrbes abaco meditabar; & quem Tui nominis fama orbem impleturus eras, radio describebas. Et ne in communibus tantum Tibi, cum alijs, hæreat admiratio; incredibilem contentionem mentis, ad linguarum peregrinarum cognitionem attulisti, successu tanto, vt non discere illas; sed repetere; nec audire primum; sed reminisci viderere. Ita siue Tibi salubria consilia proferenda sunt, tam feliciter in futuros euentus, transis ex præteritis, quasi multis sæclis vixisse videaris. Siue priuatim publicèq; dicendum, mollior incorruptæ facundiæ tractus, crebro lepore succinctus, multoque acumine exurgens, audientes rapit. Siue de bellicis iudicium faciendum negotijs, tanta in eis Tua enitescit prudentia, quasi in iuuentute, totum ingenio militari Martem ludens, inter strepitus bellicos clamoresq; diu Tibi experientiam bellicam quæsiuisses. Siue deniq; in conscientiam arcandorum vocandus aliquis, non cogeris Tuæ sensa mentis, alterius linguæ committere: quæ res sæpius fraudibus dolisq; pater: sed latentia ipse secreta cordis, alterius immittis auribus, vt affectum fidemque prolicias. Magnum hoc Tuæ excitatissimæ indolis indicium, libenter cultum eruditionis admisisse, quâ homines ad magnæ fortunæ gustum excitantur: singulare encomium, sed non solum. Non omnes qui cum literis in gratiâ rediere, earumq; difficultatē peruicaci labore mitigauere, cōtinuò innocentiā placuere. Plures ad praua verum, maiore plerumq; impetu ad fucum fraudemq; sapiunt. Luna Tua SERENISSIME REX & semper solem respexit suum, mitiq; connubio pietatem doctrinæ maritabat. Nata dehinc crebra cū superis commercia, & cæleste lumen sæpius imploratum. Admissum in penetrabile pectoris honesti studium; neque vnoquam ignauæ quietis, otijq; contubernio profanatum. Mens integra puraque, non in mali assensum rapta, non per inutilis conuersationis blandimenta delusa, in serenæ conscientie theatro explicata. Animus ad leges honesti serius & amænus: quo temperamento nihil æquabilitati peribat: aduersus corruptelas ætatis munitus, ne rationis arcem, prodicione vel cuniculis inuaderent. Perhibeat ergo antiquitas Lunam margaritarum ideam, quòq; colore blando rutilans, & argenteo nitore venusta, pro ratione auctæ minutæque lucis margaritis suis conchas impleat; & suam illis mutuetur speciem: ego vitam Tuam nitidissimum probitatis exemplar, delictum dixerim; quæ ab ipsâ rationis infantia, rectâ semper incessit ad decus viâ. Imponere etiam nobis velit, arcana fabularum veritas, eandem esse Lunam cum Diana præside virginitatis: ego Cynthiam tuam verè Lunæ, verè Dianæ supparem, citrà discrimen veritatis appellarim; cuius adolescentia purissimis se verecundiæ imbuens obseruationibus, nunquam in insidias lubricæ voluptatis, vel laqueos immodicæ cupiditatis est prolapsa.



Iam illud non minus habet admirationis, quanta tibi sit vultus humanissimi inclinatio, quanta morum elegantia, & quædam naturæ suauitas mediocri austeritate commendata. Te qui vident non putant affectum satis esse, ut animum explicent: emicare vident, quod maiori cultu ac veneratione dignum sit, ipsam in facie mentem vident, & iucundissimam virtutum & gratiarum temperiem agnoscunt. Ipsam amænissimam naturam intuentur, & mitissimos sensus in libero lumine placidæ frontis contemplantur. Non Assyriorum ritu, demersa tenebris maiestas, longo superbæ spectaculo, submouet indigentes; & animus velut in carcerem cōpactus, suisq; tacitis sēlibus inclusus, arcet supplices: sed eminentissimū fastigiū, de proximo adoratur, sed ora Tua serena contueri, miscere sermones proferre sua cuique postulata, exponere necessitates licet. Certas cum infimis comitate, alloquijs, beneficijs, mollibus responsis, ad instar cælestis Lunæ, quæ sub obscurissimā noctē, flexoq; die in tenebras, innumerus comitata sideribus, promiscuè se indulget omnibus, & feras quoque ducit ad pabulum. Nihil igitur mirum, sit tantus amor, & tam verus, in Te ciuium feruet. Neq; enim vllum puto, post homines natos maiore nostræ gentis ardore dilectum. Veluti cum nuper, de afflictâ valetudine Tua, trepidæ Poloniæ aures, incertis rumoribus in deterius implebantur, ut cuncti metu expalluimus, ut sollicitis dolores, quæstus, & lamenta erumpebant. Audiebantur querimoniam, quas improuisus eliciebat pavor, ideò fallacem fortunam, illulisse spei nostræ; ut cum nobis hanc pulcherrimi floris amœnitatem explicasset: mox eum prætereunte infortunij aratro succideret. Crescebat sensim & per gradus hic metus, iamq; nihil, nisi magnæ nescio cuius calamitatis præsagium, ferali imagine agitabat mentes, cum in ipso labentis spei occidente, lætitiâ prosperæ valetudinis diffudit fama velox. Non effusiùs fugientia ad memoriam retraximus gaudia, non promptiùs ad gratias superis exoluendas, pietatem nostram in cumulum collegit gratitudo. Lucebat in præsentī exultatione cuiusq; affectus in Te, & confusæ gratulationes audiebantur, quales olim cum gaudio geminabat Roma, cum de valetudine Germanici sui, animismærentibus afferrentur voces lætiores. Saluum se, saluam quisque Rempublicam assererat, quia Te firmior non deseruit valetudo. Ut si alia exempla defuissent, vel hoc vnicum docere potuisset experimentum nihil tam populare, tam gratum esse, nihil tam dulciter humanis illabi sensibus, quàm lenitatem. Nihil tam validis amoris excubijs, à populis muniri firmariq; quàm in Principe aram beneuolentiæ publicam, cui, ne miserrimi quidem supplices, osculum ponere vetantur. Auget comitatus affabilitatisq; in Te iucundissimum nitorem, fortitudinis bellicæ purpureum coronamentum, & virilis ardor, quo ad bella victoriæ causâ gerenda, pugnasq; & prælia interritus vadis. Prosperrimum LVNÆ comilitium, & suppetias bellicas, sensit olim Aratus Sicyonius, cum Acrocorinthum à tyrannide Antigoni liberaret. Nam delectâ manu, nocturno tempore urbem ingressus, pergensq; ad arcem, præsidium hostile depulsurus, tam diu lucentem vidit, quoadusq; viam ducentem ad arcem inuenisset.



fer. Cum verò iam non vitrà lux; sed tenebræ occultandis insidijs necessa-  
riæ forent: LVNA quoq; coactas nubes subiit; nec priùs lucem reddi-  
dit; quàm in tuto locatus ille, iuuantibus socijs, plenam fuisset victoriam  
consecutus. In Tua LVNA gemini coloris mixtio est, alba rubeaque, vel  
rubedo albens, latior prosperis, clarior aduersis, & contra pertinaces dis-  
criminum insultus, in cellum magnanimitatis nitens verticem, totiesq;ue  
occurrentes paupres, non animo, non timore toto perhorrescens. Statim  
enim ac in Patriam venisti SERENISSIMO IOANNI CASI-  
MIR O, expeditionis trans Borysthenem fidus Achates esse voluisti. To-  
gam posuisti, sagum sumpisti, vt quo deinceps ornatu Tibi vtendum esset,  
viderent omnes, & innatam fortitudinem agnoscerent. Spreuisti pericula  
tanquam non vt viueres, sed vt vinceret in bellum progressus fuisses: in  
ipso armorum tyrocinio, tanquam veteranus, & longâ experienciâ in o-  
mnes belli casus expeditus. Erexisti ad omnes difficultates indolem, prò-  
ptus, animosus, alacer, intrepidus, ac si sæpiùs antea pugnauisses. Sic olim  
Scipio ad Trebiam, satis adolescens, Consuli adhærens patri, totam dete-  
rioris fortunæ sustinuit tempestatem. Annibal Amilcarem in Siciliam se-  
cutus; Boleslaus Kriouostus à Patre in Bohemiam missus: Augustus Pom-  
peiusq; in ipso ætatis flore, intrepidorum bellatorum, luculenta specimina  
ediderunt, distribuente quasi per miraculum Deo heroicis animis, quod  
acquirunt viles in tempore. Sed & gloriolissimus PARENS TVVS to-  
tus non nisi vigor, & ignis, satis iuuenis, splendore bellicæ fortitudinis  
suæ, & optatis facib; communes Poloniæ timores detergebat. Decuit verò  
SERENISIME REX, Te quoq; faustissimo fortitudinis Tuæ lumine  
Patriæ illucescere: ne vllus sine inusitato fulgore virtutis KOR Y B V-  
T H E Æ triumphus, aspectui eius se offerret, Et iam penè Familiæ nomi-  
nisq; Vestri, decus ipsum, & velut gemmam in suæ gloriæ proprietate vio-  
laueram: dum siue prædicare, siue ommittere boni publici curam, in Te vo-  
lo aut dubito, quod illud Tuum capacissimum lentis amoris flammis vrit  
pectus. Videmus in Te reuerentiam Senatûs, quod in vsum Reipublicæ  
salubria promat consilia. Videmus amorem Nobilitatis, quod publica fata  
incredibili industriâ, prudentiâ, & totâ adeò virtute sustineat. Videmus in  
omnes beneficam LVNAM Tuam, quicunq; in publica commoda benè  
animati: semperq; omnibus à Te aliquid conferri, his muneris rorem, his  
spei florem, alijs humanitatis amantitatem, vt cuiusq; persona requirit, aut  
virtus. Ad idem boni publici studium, spectat Libertatis cura, & æqualita-  
tis inter ciues defensio. Nosti videlicet nihil aliud regno nostro, vires de-  
disse atq; incrementum, quàm dulcissimum istud Libertatis pignus, quod  
fortissimas gètes, diuisas regionibus, diuersas legibus, disiunctas moribus,  
diffformes studijs, dissonas linguis, mutuis insensas iniurijs, ad vnius Rei-  
publicæ pellexit societatem. Nosti nihil aliud ambitionem, perfidiam, in-  
uidiam, famosas regnorum pestes, ex nostro imperio relegare, quàm liber-  
tatem, quæ non censu nec titulis suos Ciues dirimit; sed apertum promi-  
scuis omnium virtutibus relinquit campum. Nosti nihil ita aheneo muro  
contrà



contra ferocium gentium immanitatem, nostram firmare quietem; nisi libertatem: quæ suorum ciuium impaudas in omnia pericula protrudit mentes, iisdemq; capaces, & maximis rebus gerendis pares, donat animos: id metuentes solum, ne Maiorum in eis suorum, ne Patriæ suæ gloria obsolescat. Etiamne ergo dubitamus vel ex eo, quod Tu omnium iudicio integerrimus, boni dignitatisq; publicæ amantissimus, & basilico semper cursu, per amplum virtutum desudans studium, summæ rerum sis admotus, grande esse Diuinæ clementiæ simulacrum. *Princeps* (doctissimus loquitur Scriptor Chæronensis) *non opus habet Phidiâ qui fingat aut Poly. cleto vel Myrone: sed virtutis operâ seipsum Deo, quàm simillimum facit, iucundissimumque spectatu opus, & Dijs carissimum. Quale verò elegantissimum in celo simulacrum sui, Deus Solem atq; LVNAM infixit: tale in ciuitatibus eius exemplum est atq; lumen Princeps. Scilicet rectâ præditus ratione, idq; habens Diuinum, non Sceptrum, non fulmen, non tridentem.*

At enim eximiarum virtutum communia fortè sunt ista, cum alijs Regibus, nec omnino indubitata supernæ clementiæ simulacra: in Te porro SERENISSIME REX, certissimum & omnino clarum gestiet videre quispiam, cuius tot expetitam votis Electionem faultissimam Reip. suæ cupit. Itaq; iam ego hic Electionem ipsam felicissimam, & ea quæ sunt eam consecuta, expendam diligentius; tam certa ex ea Diuinæ in nos benignitatis ducturus simulacra, vt dicere possim, nunquam supremum Numen, vim suam maiestatemq; vtilitates nostras gubernantem, liquidius demonstrasse. Credine potuit in tanto concursu nobilissimorum Candidatorum, quos in altas spes regni, & eximiæ suæ dotes, & illustris sanguis, & Europæorum Monarcharum intercessionibus attollebant; nec liberæ gentis suffragia detrectabant, aliquam in nostrorum animis Tui nominis memoriam exprimendam, & Maiorum Tuorum præclarissima per omne tempus merita, in præcordia reditura. Ne vota quidem quæ vel cælum pulsare audent, ad tam ignoti boni fiduciam veniebant. Non quod Tu, non quod Illustrissimi Maiores Tui, procul aberant à Polonis pectoribus, quæ ingentium meritorum vestrorum pulsabat memoria: sed quod superabat fidem, ambientium votis exoptatum, nostrisq; studijs destinatum ijs regnum, Domestico posse tradi. Et iam in refertis vndique circumiacentibus illis campis, illa Senatus, populiq; Poloni concio, quam nulla cepissent domicilia, ibat in suffragia, cum se longâ discordiâ diuiserunt studia, & vnâ nationem, in contraria vota distraxerunt. Deus immortalis, quantum illæ scintillæ parare potuissent incendium! Scindebantur iniurijs ac mutuo metu accensi popularium animi, periculosis vtrinque consilijs certabatur; atq; illæ ciuiliū æstuum simultates, vanis quidem, sed sinistris inuicem suspicionibus, penè in professa odia & partes abierunt. Denique sincerus libertatis & concordie genius, nescio quâ contagionis afflatus aurâ, in ignotum discidium efferuiscere cernebatur. Quibus Luna rationibus ingens euoluat æquer, & vasto sinu attollat largam elementi materiam, in abdito pleniorē; vt deinceps introrsum agat, eademq;



demq; celeritate reponat in sedes suas, quâ campis superfudit; nondum hucusq; deciderunt Philosophi. Nos Cynthiam Tuam æstus illos & Euripos Comitiorum, quos diuisa discordium supercilia, in miram altitudinem erigebant, feliciter sedauisse vidimus, nec de causa suspicamur. Cum enim non simplici motu incitarentur in se partes, quarû fortassis interno furori, rabies externa fuisset additamentum, intulit se medium cum suo Candidato Deus. Deus inquam. Quisquis enim cæleste hoc arcanum mortaliore euulgauit, licet Apollinis tripodes non concussit; nec Trophonij antrum est ingressus; diuino tamen motu instinctuq; est locutus. Videre erat palam ad suauissimam Tui nominis mentionem animos omniû tumentes discordijs, stridentes odijs, sic mulceri, placariq; vt ad Ignis nautici, ad Iridis Roscidæ, vel argenteæ nitorem Lunæ, mari tranquillitas, cælo serenitas reuertuntur. Cucurrit hoc nomen igneo quodam volucrisq; impetu, per numerosa populorum examina, & ab attonitis ita exceptum est, vt Numinâ vt Diui, cum de liquido puroq; labuntur cælo, & se patiuntur videri. Tum si vnquam aliàs, animos subito affectui impares, oppressit propè lætitia. Pluribus manabant lacrymæ de pectoribus, quæ iam senex mæstitia angustauerat. Alij inter præteritorum malorum recordationem & venturorum bonorum cogitationem, deprehensa contemplatio, stuporẽ indicabat. Se quisque, posterosq; suos; certâ destinatione felicitati deuotebat, quod tam mitẽ, tam bonum Regem esset habiturus. Plerisq; clamores inconditi fundebantur, non quod suæ immemores essent grauitatis; sed quod nimia exultatio, ne decoris quidem retinens erat. Inest & gaudio vis cogendi: nec dolores tantum; sed vota, turbidi aliquid egerunt, cum cumulata eruperunt. Inter hæc mens, studium, cogitatio ad Deum versa, & vno ruentis confertim turbæ impetu, vniuersa illa ciuium multitudo in genua procidit. Merito Optimi patriæ Ciues orientẽ Diuinæ bonitatis imaginem, in Rege Vestro adorastis. Omnibus Regibus, inde potestas, vnde spiritus: inde regnum, vnde vita; sed in Rege tamen vestro, nisi manifestum Diuinæ bonitatis indicium, nisi miracula, nisi prodigia agnoscitis, sine piaculo excusari non potestis. Venire tandem in æstimationem domesticæ virtutis, & inuenire inter populares, hætenus apud alios quæsitum dignum imperio caput, nonne miraculum fuit? Miraculum certè in eâ gente, quæ æqualitatis amantissima, quàmuis omni tempore protulit Heroes regnandi moli pares; diadema commisit ijs nunquam, quod nollet tantâ dignitate augescere infinitum. Extingui iam incipientem flagrare seditionem, non tam bellum nobis; quàm excidium minitantem; cum certatim ab alijs adhiberentur fomenta, nonne miraculum fuit? Miraculum profectò apud eos viros, quibus placet pro constantia rigor: & in eo cõstare videtur tota ratio libertatis, si à proposito suo non recedant. Domesticam tam liberæ gentis licentiâ, & armatæ multitudinis, tam numerosam frequentiam, nullâ se tristi cæde, nullâ ferali contaminasse violentiâ: sed vltro sibi frenos adduxisse, quasi orientem fortunæ suæ reueretur solem, nonne miraculum fuit? Miraculum equidem in eo populo



pulo qui in maximo panarum metu, nec maiestate Regum, nec potestate Magistratum, nec ipsorum sæpe Iudicum conspectu cohiberi potest. Denique deferri sceptrum non ambient, non cupienti; cum alij omnium propè præiudicio, tantæ spei imminerent: & deferri ab ijs, quorum multos præaltæ dotes, arcanus prudentiæ vigor, & exoris speculo animus erumpens, comitate, solertiâ, cunctos sibi concilians; nec minus in actionibus sese promens maiestas, & generis commendabat claritudo, nonne miraculum fuit? Miraculum mehercle maximum, si quis considerauerit ambitionis ingenium, cui grauius est vnum suspicere; quàm despiciere infinitos: cunctæq; necessitudines sunt regnandi dulcedine viliores. Mitto quæ ab externis hostibus, vel suspectis amicis timebantur pericula, admirabili fauentis cæli indulgentiâ inhibita. Mitto incredibilem pacis tranquillitatem consecutam, quæ animos cūctorū huius Regni incolarum communi sibi auctoramento obligauit, ne in fiduciâ prosperitatis, imperare sibi lætitiæ moderationem possent. Mitto dissentientes paucorum animos compositos suauiter, ne publicæ suæq; felicitati indignari vellent. An non igitur iustis de causis magnum in Te Dei beneficium adoramus? an non conuenienter Lunam Tuam, grande in nos Diuinæ clementiæ bonitatisque simulacrum prædicamus.

Infinitum sit persequi auguria, quibus tanquam euidenribus documentis, Tuam Electionem suæ benignitati voluit imputari. Integra sit cuiq; suæ coniecturæ fecunditas, neque enim cælestium arcanorum paginas inspicere licet hominibus: sed non sorte tamen nec casu, sed diuinitus Te electum, ostentis etiam et maioribus signis clarum fuit. Necesse nimirum est, vt maiores notas ventura præmittant, quæ non temerè nascuntur. Ominum obseruationem, contactu aliquo religioni innexam esse, nec fortuito motu, sed Diuinâ prouidentiâ constare, vetus ætas credidit. Quid ergo sibi voluerunt optimæ ruris hospitiæ, & lectissimorum florum prædatrices apes, cum ad Tui SERENISSIME REX nominis mentionem in campum Electionis conuolarunt, nisi quod futuram Reipublicæ felicitatem, sub Tuo imperio, non dubijs indicijs figurarunt. Sederunt olim in tenello Platonis, innocuo Ambrosij, dormientium infantum ore. Quis illis in eloquendo dulcior? non verba sed Heliconium fundunt rorem: non atro liquore, sed quintâ nectaris sui parte, ipsa facundia scripta eorum videtur imbuisse. Nutriuerunt Hieronem Siciliae Regem, cum infantiles artus feris in prædam fuissent expositi. Quis illo benignior? tanquam ad alueare quoddam, sic ad eum agmina conmeabant indigentium, vt ab illo redirent opulenta. Ad Drusi Romani Ducis conuolarunt signa, stillantesq; comportarunt succos. Quis illo felicior? latissimè per ferocium gentium strages explicuit arma victoriosa, & demonstrantibus istis peruenit ad triumphos. Tibi quoq; REX SERENISSIME glomeratæ adstiterunt, vt futuram Poloniae sortem sub Te Rege nunciarent. Dabis mella Polonis tuis, totus ingenio melleus, totus floridus, totus non sanguineus, totus amabilem cum Gratijs spirans maiestatem. Instaurabis



nobis Piaſti diuturnum & felix imperium, a mellitis muneribus in longam nepotum ſeriem propagandum. Nouus nobis Ariſteus eris, & dulce in animos exercebis imperium, diſſimulatione dominatûs. Amari males quam timeri, miſereri quam irasce, ignoſcere quam vindicare, benignus eſſe quam rigidus: & cum Te hoſtes ſentient Tuis armatum telis, ætiam tamen ciues mente pacificum. Præſidebis nobis ſine aculeo, prudentia potius & conſiliorum maturitate; quam Tuorum Ciuium crebris ſunribus geſturus grandia: & cum bellico vigore Conditorem æternæ vrbiſ Romulum reddes; religione tamen, quiete, maiestate Numa potius, vel Auguſtus eſſe voles. Cedent tandem cedent triſtia, cum ſuâ ſæuitiâ, quam diu ſatis deplorauimus: ſuccedent felicia, quæ nubibus bellorum eliminatis, in ipſo nos ſinu, in ipſo gremio, tot iam annis exulantis pacis collocabunt. Obrepent cupreſſis lauri, buxi palmis diſtinguentur, & inter amabiles myrthos, oliua pacis effloreſcet, Ad eandem pacis deſideratiſſimam amantatē, præuolauit pulcherrima Colûba eo ipſo tēpore, quo vniuerſa Polonia fauſtiſſimū illud viuat Electo Tibi acclāauit. Expādit nitidas pennas ales innoxia, & circūuolitauit Senatorij teſti tabernacula, vt oſtēderet: quē admodum olim præcipiente Phineo ducem columbam ſequentes famoſiſſimi illi Argonautæ, nitido villo radiantia vellera, & aureæ pignus pelliculæ Palladiæ rate reuexerunt: ſic ſub fortunato ſidere Tuo, Diuiſiſſimæ Columbæ dirigente nutu, prudentiſſimis Ordinum Reipublicæ remigantibus conſilijs, Poloniam tandem ad deſideratam quietem appuſſuram.

Vtinam verò ita omnes glorioliſſimæ Electionis Tux prærogatiuas & auſpicata omina, fidelis interpres explicare poſſem, vt felicitatis omnia pignora deprehendi queant. Equidem copioſiſſimæ eſſe animaduerto conſiderationis materiam, quam diligens expendat obſeruatio. In eandem diei reductus periodum, & Natalis Tui Trigeſimi, & Electionis circulus, hæc duo tam diuiſa coniuncta, tam diſparata contracta, an humano conſilio vel caſui adſcribentur? Maior iſta res mirabiliorq; eſt, quam vt eam cæca fortuna, vel humana ordinarent conſilia. Vis iſthuc Diuina deſcendit, nec ſine adminiculo Diuini Numinis res tanta facta. Electus eſ ipſo natali die Tuo, vt Polonia ſciret, tandem cum Tua Electione, ſe ſe eſ miſeriarum rogo, in quo tot iam annos miſerabili incendio deſagrabat, nitidipus, quam vnicum illum felicis Arabiæ partum, ad nouam vitam, nouumq; vigorem, ſurrecturam. Admitto etiam ad trutinam Annum Tuum trigeſimum. Electus eſ eo anno, qui vbique magnis rebus nobiliſſimos viros admonebat. Properent vt volunt, delicati fortunæ pulli, in ipſo vitæ ſux diluculo, ad meridiem honoris: effæti ſenes alij, in occaſu fugientis ætatis, anhelum trahant ſpiritum, & laborent ſaltem in ſepulchri titulos. honores iſti vmbras ſpargent non lucem; nec diem orbi inuehent, ſed tenebras. Optimè conſuluit natura, cum ſuum cuiq; ætati diſtribuit penſum. nec iuuenilis æſtus eſt, per lubrica voluptatis, vel prærupta temeritatis, ad honores niti: nec ſenilis frigoris, ſummos Magiſtratus, impigrè gerere; cum ſenilia pectora, in otium timoremq; naturâ ipſâ deſlectentia, vigo-



rem totum perdidere. Tu nobis REX SERENISSIME ætatem adfers, non incitatum torrente iuventutis, non fessi corporis ægritudine laborantem, vim integram iudicij, exactam maturitatem deprompturam; & veluti vegetam arborem, felicissimos bonorum parituram fructus. Quid iam referam tempus ipsum, quod sibi tam multa prosperrima futuræ nostræ felicitatis arrogat indicia, ut ex redundantia eorum, non in sermonem solvatur lingua; sed iu stuporem mens arctetur. Non Te Electum Regem obruta hyems niuib, & ingentium fluminum terga glacie victa, concretarum aquarum vellus, procellæ & nimbi Aquilonij, & horrendo tumultu ruens cælum; sed continuata toto Electionis tempore placidissima excepit serenitas, sed amantissimus salutavit Mensis Iunius. Quo tempore sol ipse in altissimum cæli nitebatur verticem, quasi & ille honori præluderet Tuo, altius altiùsq; semper in amore ac veneratione hominum, in præclarissimorum gestorum memoriâ ascensuro. At diem Electionis, non possum iam Mercurij Gratiarum & facundiæ Præsidis; sed Diuinam potius & dierum omnium gemmam, lucem, coronam appellare. Hæc illa dies fuit, dies non tam sole suo, quàm religione Catholicâ illustrissima, quæ dabat initium communi pietati, Sanctissimum Eucharisticum panem, effusissimo cultu venerandi. Non Te potuisti SERENISSIME REX ambientibus vocibus *Princeps esto noster* illa excusatione subtrahere. *In domo meâ non est panis*, cuius Electioni, Eucharisticus se se panis tam opportunè commodavit. Quod si initia, incrementa, fulcra, Austriacæ magnitudini, quam vterq; vix capit orbis, pietas & veneratio in Augustum istum Panem dedit. Si Magnus noster Jagello, piâ ad Sanctissimam Synaxim deuotione, ad obliuionem usq; instantis pugnæ recreatus, animatusq; horrendas Cruciferorû acies, & quicquid instruxerat diuturni sceleris longa machinatio, fulmineo milite euertit. Instaurabit Deus in Polonia, quo hactenus gaudet Germania, exultat religio, nostra nondum plenè fruitur Polonia, accipient homines victricia sæcula, & K O R Y B V T H E A nominabunt.

Noua iterum nascentur tempora, nouus circulus, nouus ordo, & vergente ad finem tertio sæculo, ut primum Magnus Jagellonicæ Stirpis Conditor IAGELLO Polonico diademate resplenduit, K O R Y B V T H O R V M rursus vices erunt, nec stirps tamen regnatricis extinguetur: nam & Vos eiusdem stirpis estis. Tantum istud est, crescentem felicissimis auspicijs LVNAM Tuam, adorasse Manipulum illum coelestem, Frumentum illud Electorum, ut nequeamus venturorum fidem, præsentium felicitate non sancire. Disponimus etiam vltioribus bonis properantia vota, & spes volucres præmittimus, in optabilis fortunæ seriem, quia perfectissimus Jagellonidarum denarius, rursus ad principium K O R Y B V T H E A redit vnitatis, quæ numerum eorum diuiso nomine, eadem felicissimâ propagine, continuat & extendit. Crescet semper crescet LVNA Tua, & pulcherrimo lucis ambitu serenum nobis dispensabit. Procedet per continua fortunæ augmenta, coelestis æmulatione; nec in culmine votorum sistet. Præcedens felicitas futuræ gradus erit, & cum videbitur plen9



iubar fulgens, habebit tamen quo splendidius enitescat & cæli tandem fidem  
 meliora lidere Tuo fata promittentis liberabit. Crescet corruptis moribus ac  
 perditissimo sæculo reformando, finibus Patriæ propagandis, Prouincijs  
 auulsis recuperandis, religione Catholicâ propugnandâ, minoribus à po-  
 tentium iniurijs vindicandis, cunctis hominibus beatissimâ rerum omnium  
 vberitate cumulandis. Crescet, & lætum consilis imperium, prosperum viri-  
 bus bellum, amænâ pace victoriam, gloriosa literis bonorumq; afflu-  
 entiâ morum, Tempora Tua reddet. O Te dilectum Deo REX SERENIS-  
 SIME, ad cuius Electionem concordia Superûm hominumq; vota confê-  
 lerunt. O diem illum lætum & verè faustissimum, qui nobis auream tanto-  
 rum bonorum catenam, è cælo propendentē, & in consortium nexumq; suû  
 vota nostra admittentē inchoauit. O nos verè fortunatos, quibus deinceps  
 sub eo Rege viuendum erit, qui nomine Deû præfert, virtute Deû, tot tan-  
 tisq; indicijs protēso quasi digito, à Deo nobis declaratus. Plura quid atti-  
 ner dicere? cedit facundia euidentissimæ veritati, vmbra luci. Faciet  
 Supremum Numen, quæ dicenda erant, quicquid hucusq; nos ad me-  
 rû & solitudinem perpetuò deprimebat, longissimè extrâ Poloniæ fines  
 relegabit: quicquid nobis dulci spei blandimento sapiebat, in quodam  
 velut compendio, & perfectissimâ comprehensione, in Tua nobis SERE-  
 NISSIMA CYNTHIA exhibebit. Faciet & deuotam Poloniæ toti  
 submissionem obligabit sibi, vt cum tot tantaq; bona regustare incipiet, in  
 vicē mutuz officiositatis, religiosâ ad aras suas sponcione eam prosequatur,  
 ne prius post mortalis fati caliginem, seris post longæuos annos vi-  
 dendâ Nepotibus, in altissimo Æternitatis Horizôte oriatur;  
 quâm reliquerit succedanea sidera, in quibus amplius  
 ampliusq; venerentur cuncti, & agno-  
 scant grande Diuinæ Clementiæ  
 SIMVLACRVM.



Sumptu & Impensis  
 MAGNIFICI BARTHOLOMÆI NOWODORSKI  
 Equitis Melitensis, Commendatoris Posnaniensis



cha  
ac  
chys  
po-  
um  
iri-  
flu-  
S-  
se-  
to-  
uū  
ps  
n-  
ti-  
et  
ne-  
es  
m  
E-  
ti  
in  
r,





